

sie haben will, das beydes mit eynander gehe, weyl das volck iung ist, vnd gewarten kan. Bringen sie doch sonst wol
 165 zehen mal so viel zeyt zu, mit keulichen schiessen, ball spielen, lauffen, vnd rammelln.

Also kan eyn meydlin ia so viel zeyt haben, das des tages eyne stunde zur schule gehe, vnd dennoch seyns geschaffts ym hausse wol warte, Verschleffts vnd vertancket vnd verspielet
 170 es doch wol mer zeyt. Es feylet alleyn daran, das man nicht lust noch ernst dazu hat, das iunge volck zu zihen, noch der wellt helffen vnd ratten mit feynen leuten. Der teuffel hat viel lieber grobe blöche vnd unnütze leut, das den menschen ia nicht zu wol gehe auff erden.

175 Wilche aber der ausbund dar vnter were, der man sich verhofft, das geschicte leut sollen werden zu lerer, vnd lereryn, zu prediger vnd andern geistlichen emptern, die soll man deyte mehr vnd lenger da bey lassen, odder ganz daselbs zu verordnen . . .

180 Am lezten ist auch das wol zu bedenden, allen den yenigen so lieb vnd lust haben, das solche schulen vnd sprachen ynn Deutschen landen auffgericht vnd erhallten werden, das man fleys vnd koste nicht spare, gutte librareyen odder bücher heuser, sonderlich ynn den grossen stedten, die solchis
 185 wol verwügen, zuuerschaffen. Denn so das Euangelion vnd allerley kunst soll bleyben, mus es yhe ynn böcher vnd schrift verfasst vnd angebunden seyn . . . Vnd das nicht alleyne darumb, das die yenigen, so vns geystlich vnd welltlich fürstehen sollen, zu lesen vnd studirn haben, sondern das auch die
 190 guten bücher behallten vnd nicht verloren werden sampt der kunst vnd sprachen, so wyr igt von Gottis gnaden haben. . .

Aber meyn rad ist nicht, das man on vnterschied allerley bücher zu hauff raffe, vnd nicht mehr gedende, denn nur auff die menge vnd hauffen bücher. Ich wollt die wal
 195 drunder haben, das nicht nott sey, aller Juristen comment, aller Theologen Sententiarum vnd aller Philosophen Questiones, vnd aller Müniche Sermones zu samlen. Ja ich wollt mit rechtschaffenen büchern meyne librarey versorgen, vnd gelerte leut darüber zu rad nemen. Erstlich sollt die
 200 heylige schrift beyde auff Lateinisch, Kriechisch, Ebreisch, vnd Deutsch, vnd ob sie noch ynn mehr sprachen were, drynnen